

保安縣鄉土志



陝西延安府保安縣鄉土志

保安僻地自古已然文獻無徵蓋已久矣茲僅就耳目之所可及者錄其大概如左

一沿革

保安之名肇於宋宋以前無聞也

周初屬翟

春秋屬白翟

戰國時屬魏秦漢時屬於上郡北地之交

按襄王七年魏盡入上郡於秦史記正義注丹郤延綏等州北至固陽並上郡地魏築長



城界秦自華州鄭縣以北濱洛至慶州洛源  
縣白於山即東北至勝州固陽縣東至河西  
上郡之地盡入於秦考洛源出今定邊白露  
山東流過慶陽安化北南折過保安西南出  
境則當日魏秦上郡之地自鄭濱洛北達慶  
州寶畫洛水為界洛以西不屬上郡也保安  
境內所轄以西鄉為廣由縣治度洛西行百  
二十里始達安化西南行百五十里始達合  
水西北行百五十里始達安化定邊是保安  
縣境洛以西當屬北地洛以東乃屬上郡府

志概以上郡統之不無少誤

東晉為赫連夏地

北魏為夏州金明郡之廣洛

西魏北周因之

隋為延安郡之金明

唐為北武州之永安旋并入延州之金明

五代因之

宋始置保安軍屬永興路

金保安軍置保安縣旋升為州仍領縣

元降為縣屬延安路

明改延安路為府保安屬焉

前清仍之不改

### 一 兵事

宋寶元元年夏元昊反稱帝先與諸酋約首攻  
廊延自保安之縣西德靖砦及塞門赤城三道  
並入

二年元昊寇保安巡檢使狄青擊之元昊敗走  
康定元年元昊攻保安軍破金明砦

紹興三十二年吳璘克復永興軍州旋奉詔班  
師金遂取而有之

死傷殆盡既無豫防之法亦無後之方束手  
無策以聽於天此則風氣鄙塞不究善法之  
故也茲將諸畜數以百分約計之羊八十分  
牛十分其餘十分

一野獸

豹 狼 狐 麇鹿 黃羊 野豬 獾 兔

會鼠俗名瞎會說文謂之鼯鼠一曰鼯鼠無目  
潛行土中所過之地土墳起如犁故又謂之犁  
鼠食羊芋及禾稼諸根

按保安無獵戶間有狼狐諸皮大都為犬所

咬斃者也

一家禽

雞 家禽只此更無別類

一野禽

鵬 鷹 鷄 黃鴨 雁 燕 沙鷗 水鳧

鷺 鳩 鵲 啄木 布穀 雉 山雞俗名

呱呱雞 鴉有白頸朱啄二種 鴟 鴞 畫眉

鶉 鶉 天雞 黃鸝 百靈 麻雀 鴿虎狀

如鴿而稍大俗名鴿須孳生一次生三鴿便有

一虎也性猛贄能攫食鴿雀

按保安西德靖砦石空寺有金主亮天德二年造像記二年當宋紹興之二十年則保安歸金應是在年之前

嘉定五年 金崇慶元年 夏人侵金保安州

六年夏人侵金保安及慶陽

十六年 金元光二年 元兵出保安金將楊沃衍破之

石樓台山

明季流寇張獻忠 定邊柳樹澗人 李自成 米脂縣人 皆起自

延安獻忠首據十八寨其勢獨橫自成銀川一驛卒耳出山後始與羣盜齒而凶燄直出獻忠



上其初旋撫旋叛其後愈勦愈多保安被流寇

先後七次崇禎四月年正月神一元盜由柳樹澗

陷保安副總兵張應昌敗之一元死弟一魁領

其衆總兵杜文煥賀虎臣合兵圍之一魁突圍

遁

前清康熙時有定邊叛將朱龍李師膺之亂保

安先後被寇旋就殄滅

同治六年回匪自董志原由安化竄入保安縣

令劉某先事赴省有某營官者帶護糧防勇一

哨駐縣城遂合鄉民邀擊於西陽溝口敗之時

賊大隊猶未至之也某知不敵諭居民避去而己退回延安越二日賊大至城虛無人所餘糧餉財貨俱付賊時甘匪頭目某偕其黨徘徊於漢回之間己闌入山驅回逆出境盤踞其中劫掠流民搜掘窖藏凡洞若無不破滅所存者惟縣南永甯一寨耳而民方懼回毒殺亦樂從某以救餘生

七年賊目袁長毛竄入縣境縣西洛濱有老崖窰險砦也民藉以避兵且侮賊袁賊奪而據之官軍屢攻不下募死士擲火彈而焚之乃聚殲

殲

馬八年境內粗平餘匪猶時竊發縣令喻秉章  
始赴任以空城無可嬰守寄吟居永甯寨並募  
勇五十名周匝防護蓋後先亂數年至是乃定  
保安素號瘠區所幸數百年休養生息漸臻蕃  
庶邇來紅羊一劫草薶禽獮民靡孑遺元氣殆  
不可卒復矣

### 一城寨

保安縣城府志謂即宋栲栳砦考宋仁宗時范  
仲淹知延州築栲栳砦太宗時設保安軍是未  
有栲栳先有保安不得徑指保安為栲栳故砦

也意宋初設保安軍先已有城後增築栲栳特  
為保安犄角耳今閔縣城故址三城如聯珠緣  
山而東縣東北上有故城踞山頂如箕下濱於  
河或即栲栳故砦城左下有谷越而南上有城  
突如東枕山脊西飲河唇與北城對峙即舊縣  
城也南附郭若半環謂之南城顏垣斷壘非復  
昔日舊觀也志載明洪武二年縣丞洪道修之  
嘉靖四十年吏目郭邦靖重修之萬曆三十三  
年知縣陳桂芳重修之周九里三分高二丈池

深一丈

嗣

崇禎亂後截西南角為城方不一里縣署民舍  
偏處其中即今城也

前清順治中知縣張嗣賢建城南樓規治畧具  
居民商賈向以城南為盛

同治中遭徇亂失守殘缺不完十一年湘軍營  
官唐成遂率防勇駐此就故城補築開西南二  
門南曰迎薰西曰長庚光緒二十一年因甘回  
海城之警各縣預辦城防縣令丁秉乾稍加修  
葺城上添兵房四城內置倉廩一城小而低形  
如釜底民不樂居兵不能守自修復後城以內

除倉厰外今則倉穀移城外石窰亂石成堆蓬蒿滿目無居人也

縣境多宋元明以來城砦沿山徧設敵墩縣城北為宋栲栳砦東北五十里為園林砦又東北八十里為否子城縣西八十里為宋德靖寨今劉家城呂家城一帶遺址畧存其下有石空寺又西北一百二十里為金湯寨宋元符時築明嘉靖時知縣李汝重復修之城垣猶在尚有居民今謂之金湯鎮又西南九十里有狄家城宋狄青曾屯兵於此北上十八峯梁有營盤峯大

屹

墩梁東西相望故壘圯然又北為長城嶺路皆

宋時所以防西夏也今諸城砦多廢圯無用民

間崖砦

明延綏巡撫余子俊築邊牆時鑿崖砦八百餘所

多足避兵

如老崖窰金鼎三台諸山其最著者然或處偏

下或乏水源當回亂時賊每斷其汲道積薪薰

灼山骨俱燃有焦爛無逃門者往往俛首乞降

以救殘喘惟永甯山

即石樓台山

一砦巍然獨存砦

在縣南八十里山質如赭峭崖飛壁兀然孤挺

遠望如鐘之在簾也洛水南縈繞其三面左方

有長嶺橫垣東達延安民居鑿石成宇曠如奧

互

如足容千人分三層螺旋而上上層踞山頂如  
人之髻中層微窪而斗峻下層有井通洛供取  
汲焉三層各自為砦砦南各有旁道架木石為  
棧以通往來賊至撤棧截險無階可升憑高俯  
視見山下人馬如蟻同治狃亂居民避此者數  
百戶於山頂設號旗信礮以備警急每窺賊過  
輒抄掠其尾奪取馬匹糧械賊切齒甚然亦無  
如之何蓋天險也老崖窰地亦極險袁長毛據  
之蹂躪三山久稽天戮後募死士緣鐵練擲火  
彈相持多日偶中火葯箱始克勒滅蓋其險雖



亞於永甯寨亦非尋常可比

# 一山川

環保安皆山也山自靖定北來沙磧餘脉未盡  
氣勢平緩邊風震盪移徙無常至保安山始縱  
氣體亦雄有負土者有戴石者土石之中均含  
沙質其地脉然也保安山極叢雜宜劃東西川  
分三大幹東之山以杏子河界之自牛頭坡而  
南過杏子城至縣東為闖城山為草梁墩為老  
畔峴迤而南為艾蒿嶺即子午嶺之分名嶺綿亘延慶  
兩府間縱橫數百里外南行為新家巒嶺為聖

人道東走安塞甘泉赫連氏所開以南入長安也越安

家條右為雙墩山左為馬頭山疊嶂層巒人迹罕至其東南則安塞地矣西之山以洛水界之洛之東自長城嶺過十八峒梁衍為九吾山迤而南為雙墩嶺為大婁嶺為史婁嶺抵於洛洛之西自亂石頭度九嘴坡緣洛而南過金湯為金鼎山過吳堡川至旦八里為龍兒婁嶺渡白沙川為大婁嶺小婁嶺且驢婁嶺至大峒則合水地矣縣城在東西山之間周水界之分為南北川川北山自靖邊金家崖過徐家坨子越娘

地

娘礪南至縣城其東為栲栳谷為鐘樓山又曰  
青龍山舊縣城東門也稍東為小石山梯石為  
路越闔石<sup>城</sup>山至李家嘴則走安塞道也縣西為  
官家山又曰侯雨山稍西為太白山又曰獅峰  
視諸山為尊上有穴俗謂之海眼又西則九吾  
山也自縣南下東西山夾川以走蜿蜒若龍其  
西為石峁為羊角城至川口縣周河入洛山隨  
水止其東為三台山至川口隨洛水南下為石  
樓台山其西則婁子川諸山走白泚川道也又  
南為馬頭山又東則安塞<sup>塞</sup>山西南則鄜州與合

水地矣

保安三川縣西之阻洛為巨縣城之周河次之  
縣東之杏子河又次之均以保安為過境阻洛  
計行三百里周河杏子河計行二百里有奇周  
河源出靖邊縣飲馬坡南流至徐家坨子入保  
安北境有柳榆溝水西來注之又南過保灣溝  
門至任家坪小河溝水西來注之過阿姑泉泉  
甚微不能達河武家溝門水西來注之南過沙道子繞  
縣西太白山下西陽溝水西來注之三郎泉水  
東來注之空龍溝水自駿嘉渠北來注之過南

溝閘至雙樹河康家溝水東來注之至北山寺  
麻子溝水西來注之由此而南至川口入於洛  
隋志歸國德縣有雕水或即此水也杏子河本渾  
州川水又名園林川源出縣北之牛頭坡東流  
至杏子城過大灣張家渠槐樹渠東南流至新  
集驛又東過邊家崖郝家溝牛家溝至侯家河  
灣經園林驛呂家川南流至界牌灣入安塞境  
沮洛水府志謂源出定邊縣琉璃廟石穴中其  
北有白露山山海經所謂白於之山洛水出其  
陽者也嘗詢求洛源出定邊三聖坡合諸小水

東南流俗謂之鐵鞭城河水色常濁其出自琉璃廟者俗謂之亂石頭河水色常清至吳旗鎮北雨水交會如涇渭然河身沙石雜揉其流迅急南至白豹川九嘴坡水西來注之繞金湯鎮西東南流至金鼎山樓兜坪川水北來注之又小蒜川水東來注之吳堡川水西來注之又西南過旦八里有樊家川水經曹家河西來注之越大莊柏葉溝水東來注之過門限嶺義正川水由石溝東來注之又東過老崖窰至川口縣周河水北來注之南流至石樓台山白沙川水

# 塞

過千佛洞至婁子川西來注之過孫家溝党家灣至石猴子南入安寨境

## 一境界

保安縣境計方五百餘里東北促而西南延袤東界安塞由縣城山行至孫家岔越闔城山渡杏子河川行過牛家溝侯家河灣呂家川與安塞屬之白家坵交界九十里距安塞縣治共一百八十里

東南仍界安塞由縣城川行至康家溝山行過新家婁險走南北聖人道至安家條與安塞屬

之任家窰交界八十里

東北界靖邊由李家嘴至槐樹渠過張家渠杏  
子城至牛頭坡與靖邊屬之柴家梁子交界一  
百里

西界甘肅安化由縣城山行經九吾山由旦八  
里渡洛沿曹家河至安化之石佛寺交界一百  
二十里距安化縣治三百七十里

西南界甘肅合水由縣城川行過婁子川白沙  
川至扛樹台與合水屬之上平鎮交界一百五  
十里



西北界甘肅安化由縣川行入柳榆溝至老君  
廟河山行西越十八峒梁出小蒜川過金鼎山  
金湯鎮渡洛至九嘴坡與安化屬之楊家渠交  
界一百五十里由金湯北行為靖邊地中有袁  
家石坵新庄科景家坪劉家溝門土河沿為保  
安地正南界鄜州及甘肅合水由縣城川行過  
聽事窰馬尾河三台山羊角城至石樓台山抵  
青楊樹坪與鄜州屬之獨背溝合水屬之塌石  
川交界一百四十里距合水縣治二百七十里  
正北界靖邊由縣城川行過武家溝門保灣溝

門至徐家台子與靖邊屬之金家崖根交界三十里距靖邊縣治一百二十里距靖邊新治鎮靖堡二百三十里

東南至延安治二百二十里至陝西省治九百四十里

保安當同治以前野無曠土村舍相望自兵燹後廬室皆燬民靡孑遺今承平四十年矣猶往往行三四十里不見烟戶可慨也夫

### 一地畝

賦役簡明全書內載保安民糧原額折正一等

地三百二十二頃四十畝二分八釐內除荒地  
二百六十五頃八十四畝七分五釐七毫毫實熟  
地五十六頃五分二釐三毫乾隆十七年升科  
金湯鎮地共得折正熟地五十六頃七十三畝  
七分二釐三毫自同治六年兵燹以後始議招  
墾之法八年知縣喻秉章署縣事散賑招集據  
報招難民一百七十六人墾荒地三千餘畝十  
年雷炯知縣事據報招回丁口七百二十餘名  
墾荒地一萬五千餘畝未墾者僅四千餘畝十  
二年三月丁集成署縣事續墾五千九百餘畝

前後約計已二萬餘畝十二年張暉賜代理縣  
事據報除已開二萬畝外未墾熟荒約計四萬  
二千餘畝與雷丁兩令所報之數先後兩歧十  
二月實任王道全到任乃以稟報不符復行更  
正而未墾者尚三千三百餘畝光緒元年據報  
續墾共得折正熟地四千八百三十六畝二年  
復報墾八百三十七畝以符原額五千六百七  
十三畝之數於是升科納賦而招墾之事畢矣

### 一賦稅

北山地廣人稀歲僅一獲若按畝征賦未免重

閩

累閩閩故明時有折正之例前清仍之按折正法分三等有三畝折一至九畝折一者舊例保安係五畝折一乾隆十七年升科金湯鎮地畝即其例也及同治六年以後招墾升科則又以九畝折一矣又按延安府屬丁銀前清沿明舊制每丁有自三四錢至一兩以外者民多逃亡雍正三年川陝總督岳鍾琪奏請延安所屬州縣丁銀概從下則減舊額一萬二千餘兩又請將丁銀攤入地畝征收以雍正五年為始著為令會典載三壤以行兩稅而常賦以定今之地

丁銀糧並征卽兩稅法也保安應征地丁銀五百六十五兩六分一釐又征屯更地丁銀六錢三分三釐又每兩正銀征耗銀一錢五分共征銀八十四兩七錢五分九釐又每兩正銀攤征鹽課銀四錢五分六釐六毫六絲共征銀二百五十八兩四分八釐又征額外課程銀五兩零一分四釐四毫合計歲入銀九百一十三兩五錢一分五釐四毫至征收本色起運糧三百七十餘石自同治六年遭亂後因民戶無力挽運交納於光緒七年知縣張會一稟奉上憲批准

汎

始以二成征收共納米豆七十五石五斗八升  
四合八勺以四十五石九斗三升七合九勺由  
各花戶運交靖邊縣倉供支兵糧但長途往返  
勞費累民後經稟請改征折色民以為便今仍  
之以二十九石六斗四升六合九勺就近支給  
本邑城守訊兵糧自三十年兵丁裁額所餘糧  
石實存縣倉又應征延安衛更屯本色糧石其  
地原額一十三頃一十七畝三分有零內除荒  
地十一頃七十五畝實熟地一項四十一畝有  
零計糧六石六斗四升亦照本色起運糧按二

成減征一石三斗二升八合三勺儲存縣倉其  
應征本色草九束九分六釐則移解延安營收  
納

保安雜稅課程同治六年以前歲有常征原額  
當商牙行地稅畜稅近則當牙無人承充地鮮  
業戶置買祇征畜稅九兩有餘而已保安畜產  
近頗蕃庶尤以羊為最多惟自亂後鄉間免稅  
僅稅及城南七月一會金鼎山三月一會會時  
只有牛驛貿易從無一羊赴會者

一倉儲



縣額設常平民社二倉亂後無存自光緒六年始奉文勸積義穀十九年由賑餘項領銀採買二十一年又續領備賑銀採買茲將各倉存穀之數開列於後

縣城東建倉窰三座內儲本城及北鄉京斗穀五百九十四石八斗二升

東鄉倉於李家嘴借用民宅內儲京斗穀三百七十五石六斗一升

南鄉倉舊儲於三台山光緒二十七年移於本城北邊一窰內儲京斗穀三百一十八石三斗

七升

西上鄉金湯鎮建倉窰一座內儲京斗穀四百  
一十一石五斗五升

西下鄉且八里建倉窰二座又添副倉窰一座  
內儲京斗穀六百二十四石七斗六升

以上各倉計共存京斗穀二千三百三十五  
石一斗一升均按時息借

一戶口

保安丁口稀少不成為里只有一甲至六甲又  
九十丁據嘉慶時丁冊共四千四百六十八丁

未詳戶口道光三年丁口全冊共五萬一千五百餘名同治六年亂後初次招撫僅一百七十餘人光緒六年增至三千餘丁口二十二年清查戶口城鄉共九百一十一戶五千二百四十一丁口現增至一千一百四十六戶七千零一十四丁口

### 一政績

保安自明設縣已四百餘年雖在僻區豈無良吏第文獻無徵府志又缺而不載茲將得之於殘碑斷碣中與訪聞所及者謹列於後

間

明知縣唐理河澗舉人煮粥救荒延醫治疫死  
無棺者捐俸為殯作勸農四歌教民建時雨書  
院立社課文卒於官百姓號泣如失慈母

余口萬曆時人縣城南門外立有甘棠德政碑  
黎昌期廣東人貢生崇禎之季流賊肆虐城郭  
殘燬昌期就南甕城自耕田以贍餽粥與子遺  
同甘苦久任清貧以卓異內升部郎

前清知縣竇斯在山西沁水人貢生由官學教  
習授任攝靖邊同知所至有聲績康熙壬申間  
西醜跳梁斯在年逾七十請自效或以老却之

憤而起曰斯在男子也以老廢奈何當事壯之  
會督運塞外往還萬里口不言勞比得疾猶指  
畫邊事咸有<sub>中</sub>肯綮歿後貧不能殮士民爭賻之  
乃得歸葬誠當時之奇人也

義

石崇光雍正朝四川遵儀人舉人建修節孝祠  
勒石旌表重修小石山官道摩崖題古道重開  
四字立社課學士樂其教去後士民於西陽溝  
口立設教去思之碑

一耆舊

保安自宋以來其奮起功名者類以武功洎明

中葉始稍以文學顯然亦寂寂無所表見逮前清二百餘年無一文士登賢書而弓馬之場則往往以騎射中鄉選府志稱延安民俗尚氣概先勇力出名將地氣使然今固無殊於古所云耶茲擇其可考者錄之如左

宋劉紹能字及之保安軍人世為諸族巡檢父懷忠官內殿崇班閤門祇候元昊屢以金幣及王爵招之懷忠朝其使力戰而歿錄紹能左班殿直累功遷洛苑使英州刺史鄜州兵馬都監元豐西討神宗詔詣闕問計對曰師旅遠征儲備

不繼為大患若侯西成因糧源入乃可得志帝  
以為然命統兩軍進討紹能世世邊將為敵所  
忘每謗書至帝明其不然手詔曰紹能戰功最  
多忠勇第一此必夏人畏忌為聞害計耳紹能  
俸詔感泣嘗坐譏逮對按驗卒無實守邊四十  
七年大小七十餘戰以皇城使簡州團練使卒  
見延綏志

劉延慶其先西夏熟戶世為將知名後居延安  
府為保安軍人屢與夏人戰有功宣和二年從  
童貫討方臘趨衢婺破定二州遷檢校少保節

京

度使六年伐燕山為都統以軍三十萬取易州  
屯蘆溝河諸軍失援而潰坐失官久之乃復金  
人圍汴滌延慶守北壁及城陷與子光國率眾  
開萬勝門走百姓多從之聚於瓊林苑延慶率  
眾直西以進時金軍徧原野眾不敢行延慶呼  
光國激之曰汝以五十騎往以堅軍民之心光  
國揮戈馳驟而去延慶曰光國五十騎尚能進  
況軍民數萬皆死命乎乃率之而趨遇金人鐵  
騎衝突眾星散延慶及光國皆死焉

見宋史

解元字善長保安軍人起行五隸韓世忠麾下



為偏將世忠出下邳金兵大至元領二十騎身  
自陷陣刺酋長墜馬餘皆遁去金人攻浙西世  
忠以海艦截大江金人乘小舟出長鈞攀艦元  
躍入敵舟殺數十人擒其千戶援統制前軍討  
閩寇及湖外諸寇平之改相州觀察紹興四年  
金劉合兵入寇元屯承州設三伏敗之追獲四  
百八十人時城中兵不滿三千金萬萬戶黑頭  
虎造城下元微服出偽若降者俄伏出擒黑頭  
虎授保順軍承宣使畧地淮陽騎三百當敵騎  
數千揮戈轉戰自辰至午敵退成列而還進保

順軍節度使

見宋史

明朱允恭洪武中舉賢良方正科官知縣政績卓然著大有誥

馬忠官山西道御史立朝多所建白

王鐸成化二十三年進士官至布政使司

王大任嘉靖三十二年進士官至翰林院侍講學士

李光祖萬曆十一年進士官揚州巡鹽御史

韓炳衡萬曆三十八年進士官潞安兵備道調四川遵義道

# 一節義

風俗恃節義為移易時際承平雖有節義之士無由自見至欲以節義見則又非風俗之幸而忠臣孝子義夫節婦之至不幸也保安民性質直無僂薄刁詐之習回逆之變被難而死者十室而九視明季流寇之亂其禍尤酷或者謂時勢所迫未必盡出於義烈然至原野厭肉川谷流血第博區區一節義之名亦可哀矣茲擇其尤者節錄於後

明李端父仲福疾割股和藥以進疾愈久之父

卒居喪擗踊日惟一飯事母羅孝食必親進母  
歿合葬廬於墓側墓地乏水仰天哀籲忽湧清  
泉有白兔馴擾墓側人以為孝感成化年得旨  
旌表

劉彰本貢生崇禎末選涇陽訓導未出都闖賊  
陷京師彰本屬其子雙全曰受朝一命之榮身  
屬朝廷矣今國破君亡吾不苟求生活兒幸歸  
勿以我為念遂自縊於京師涇陽會館

鄭氏兵備道韓炳衡妻賊破城聞夫被執刎頸  
而死

按炳衡曾任潞安及遵義道其被執也氏尚  
赴義捐軀炳衡斷難偷生苟活府志不載其  
詳土人亦無能道其事者惜哉

靳氏童生許尚志妻年十八見流賊入村所傷  
夫手氏抱夫大哭同投井而死

前清郝證經父母有疾籲天泣代親歿每食必  
獻一如生存至老不懈奉旨旌表同治二年陝  
省奏設節義局凡各處官紳士女被回難陣亡  
及抗節而死者分作三等由地方官會同學官  
延派鄉紳設局採訪具報請卹自六年回逆為

大軍所感狼奔逐突遁入北山破保安後旋掠  
安塞而東鄉民老弱流離尚能稍延殘喘至後  
長毛土匪窮加搜括拘諸富民橫施炮烙索取  
窖藏有焦頭爛額以死抗拒者每遇洞岩斷其  
汲道刊礮石環攻其不降者積薪木與山齊因  
風縱火聚而燔之使無噍類其凶殘暴酷視回  
逆尤慘十三年知縣王道全奉節義局札飭採  
訪死難士民彙請旌卹得死難男婦一百九十  
餘名分為三等兩次具報光緒元年三月奉旨  
交部分別旌卹其後大吏復委員赴各州縣查

露

訪復會稟保安山邑避賊之處均係窰洞一經

賊破無路逃生以故死喪之餘無人呈報事過

之後無人訪求此雖實在情形然爾時之厲魄

殺魂消沈於冤霜苦霜中者正不知凡幾也茲

於當日稟報之外今訪聞諸鄉人者補錄於左

以彰潛德

同錫光 西川九 馬伯元 槐樹 盧興邦 川口 張伯

春 老崖 以上四人均被賊執去拷索窰藏炮烙

而死

同錫瑞 錫光 張過賓 兎 縣城 馬得元 伯元 白福

白家  
山人盧二小崖盧興年興邦之弟  
盧閏娃川口以上

七人均被執不屈罵賊而死

韓福城羊角人張朝川口李海源楊家以上三人

係送信運糧遇賊被害

民婦盧李氏吳盧氏均為賊執不屈被殺

### 一 壇廟 寺觀附

延安府志謂延屬之民好神而信鬼今保安

此風仍未盡泯但無信從基督教天主教者

社稷壇在縣城內南

神祇壇在縣城內南



先農壇在縣城內南

學宮在縣城北元延佑時縣尉馮顯建明永樂

四年重修之嘉靖時縣人翰林院侍講學士王

大任仿國學式重擴之崇禎末燬於兵燹前清

順治十五年知縣張嗣賢修復正殿三間楹兩廡

戟門泮池櫺星坊具備康熙二十三年知縣王

瑄重修之後經朱李之亂四十四年知縣王璣

司訓趙元亨重建正殿兩廡移建崇聖祠於殿

東後任高五雲續修完竣道光二十五年知縣

海齡復修葺之即今存廟制也至同治六年亂

後遂成焦土惟大成殿巍然獨存光緒十年知縣繆鍾洛重修崇聖祠及兩廡設門垣而大成殿歲久失修棟桷摧折諸神牌亦殘缺失序二十三年知縣侯鳴珂復倡捐重修補龕座正列位規模始畧具焉

關帝廟舊在縣南門外天壽寺後建自宋所謂武安王廟也

宋大觀二年封武安王宣和五年加封義勇

永樂二十

二年重修萬曆三十三年重修前清雍正時復

修葺之

鑄懸鐘一

自更變亂蕩析無存可考者惟永

樂萬曆二碑耳字多漫渙不可辨認光緒十七

年知縣李嘉績復建於永康書院之東正殿三楹後殿一楹又縣南關外有三義廟祀漢昭烈帝關帝桓侯建自明代雍正時重修近燬於兵光緒七年邑人重修復焉

文昌廟創建於明亂後知縣李嘉績補修正殿三楹後殿一楹在今關帝廟之東

城隍廟在舊城東北隅明洪武中建號顯佑祠天啓時鑄醮盆一口崇禎末廟燬前清順治時重建雍正時鑄巨鐘一鐵龜鶴各二同治時廟復燬光緒年重建正殿三楹大門一間

八蜡廟舊在縣北古栲栳城近燬重建於縣南  
龍王廟內西邊

劉猛將軍祠在龍王廟內邊

東

考

按劉猛將軍載在祀典老宋景定四年初封  
劉琦為揚威侯天曹猛將之神蝗災殄滅又  
畿輔通志載劉猛將名承忠廣東吳川人元  
末官指揮有猛將之號江淮蝗旱督兵追捕  
蝗盡死後因元亡自沉於河二說不一然忠  
義之士生而護國死而佑民其為神則一也  
電神壇在縣北城外

龍王廟在縣南正殿三楹大門一間

不知建於何年無碑

記可考

神塑女像俗傳為龍母鄉人祈禱甚虔頗

著靈應

火神廟在城外東南隅鑿土洞為祠

馬王廟舊在南門外近已廢

殘有明天啓時碑記

權設

牌位於關帝廟內

財神廟在縣南門外東街道光時修葺亂後惟

正殿三楹未燬

藥王孫真人廟在縣北藥王洞在縣東鐘樓山

下道光時重修

眼光洞大悲洞在縣東南山腹明崇禎元年修  
其下為山神洞供本境山神及土地神像

阿姑泉祠在縣北十五里娘娘廟下祠內有泉  
大如盆盞不涸不溢婦人之乏子乏乳者禱而  
飲之多應明崇禎元年邑人韓姓建祠祀前清雍

正乾隆朝先後重修有梳粧碑碑載阿姑未詳  
時代稱姑矢貞不字父母強之嫁趙氏于歸日  
至此坐化趙氏子來親迎亦化去相傳俱仙云

按膚施縣志載碧簪山有阿姑聖祠姑為保  
安何氏女延屬鄉民多祀之若然則保安之

祀阿姑也固宜

順東王廟在東北九十里上有靈湫祈雨獲應  
明英宗嘗夢金甲神護衛問何人答曰宋大將  
李顯忠也現居保安因勅封順惠大王命保安  
立廟

縣境昔年寺觀頗多自亂後惟所造銅石像間  
有存者餘則均付一炬殆釋道中所謂塵劫歟  
縣南門外天壽寺諸佛之法苑也明洪武五年  
勅建永樂以後相繼增修前清順治乾隆間復  
屢次重修亂後俱化為飛灰鞠為茂草矣光緒

十一年邑人相舊址重建三楹奉三佛像有銅佛高尺許寺前有巨鐘明萬曆時所鑄也鐘記寺內所屬各寺地畝甚夥今僅存其名而已

崇福寺禪堂寺寶相寺上下達摩寺龍泉寺相谷寺乾谷寺柏林寺田伽寺五羊寺石泉寺護聖寺禮拜寺金鼎寺石空寺所載地畝有至靖

邊以北者亦祇園中廣大化教主也此外有祈

子祠

在縣城外西陽溝口今時尚有香火

千佛洞皈一寺白雲寺

卧龍寺興隆寺清水寺高橋寺皆佛教也道教

中有玉皇廟老君廟真武廟

在縣南馬頭山

又縣南石



樓臺山三台山均有真武廟

石空寺在縣西南一百八十里劉家城宋德靖  
寨地也山下鑿石為寺有宋政和時造像記又  
有金天德二年宋紹興二十年時造像記二十三加又  
外門柱有正將李公重修記不詳年代今寺半  
湮塞各造像記以宋政和為最初字畫明朗綽  
有楷則為保安碑石之最古者

金鼎山寺在縣西百二十里濱洛孤峰特聳如  
筆建自宋代上祀元帝明萬曆時居民依險為  
砦繕治垣墉以避套虜先是套虜南犯邊警無

常歲己巳虜突至人人自危忽見元帝顯像旌  
旗森列虜懼逃去居民感神威爭崇奉焉縣學  
官任文台撰碑文記其事前清乾隆以來次第  
修祀同治六年亂後殘燬無餘光緒十年鄉民  
始措貲補葺之

### 一瑩兆

保安無古陵墓宋以來聞有閩人半湮沒無可  
稽考茲將可考者列於後

宋保信軍節度使贈少保劉延墓在縣北二里  
無碑誌

明御史李光祖墓在縣東山舊有柱史坊今燬  
翰林院侍講學士王大任墓在縣南門外舊有  
學士坊今燬墓前有萬曆二十四年勅諭及論  
鹽法諭旨諸碑漫滅不可辨識王姓在保安舊  
為巨族今式微矣

四川遵義道韓炳衡墓在縣南川舊有進士坊  
為炳衡及布政使王鐸立也鐸之墓無可諮考  
而坊亦無存

### 一 學校

縣南門外舊設永康書院不知始於何時府志

亦缺而不載

永康二字傳為保安古地名然不見於史傳

考時明有

知縣唐理建學置社設立時雨書院此或其權  
興歟光緒元年知縣王道全領官款重復修之  
講堂三楹後舍三楹左右學舍各六間奎星樓  
石窰樓一座大門一間修復後無人肄業權作  
縣署三十一年奉飭改設學堂縣令訥蘇肯與  
紳士初議捐貲復修城內衙署以書院改作學  
堂紳民甚願因後議不合遂作罷論另於書院  
南建設兩等小學堂一所上房三間左右廂房  
各三間大門一間現有高等小學教員一員學

生六名初等小學教員一員學生十名

南北兩鄉間有

學生附於城內

東鄉初等小學堂一所居借民宅現設李家嘴教員一員學生八名

西鄉初等小學堂一所借居民宅現設金湯鎮教員一員學生四名

按保安當前明中葉掇甲科入詞林者尚不乏人逮前清二百餘年無一文士登賢書回亂以後更響輟絃歌每科歲試學使按臨土著人數不敷學額招考冒籍習以為常本縣

生童文理鮮通家有餘裕稍識之無便去充  
數冀得頂戴以光門第無遠志焉科試既停  
奢望遂絕當學堂甫設之際衆情洶洶謠詠  
四起羣懷疑懼應者寥寥年復一年民情漸  
安再三開導幾於舌敝唇焦始知學堂之有  
益無害然亦祇有此數而已

## 一 巡警

光緒三十二年設於城外南街財神廟以紳士  
二人為巡弁巡長一名巡丁四名四鄉巡長四  
名以舊日團練之紳士暫充之巡丁四十名以

舊日之牌長暫充之

一 氏質

保安氏質敦厚俗素儉樸不尚浮華土人有衣服稍鮮者輒議非守家之令子冬則衣裘夏則衣布不須葛焉居室則鑿土石為洞外封戶牖名之曰窗或以石塊圍之閒有房屋亦拙笨草率民人率以耕牧為業紳士富戶及諸生均作苦田間讀書識字者不過百中之二三經商者更屬寥寥家有餘裕除添買牛羊外悉嚴密窖藏雖同室之人亦罕知其處城內有小商舖四

家鄉外八九家大半係土人資本餘皆客商開設本邑無工人但有工人役一切磚瓦鐵石等匠均須外募富家產業至極價值不過萬金貧者亦有牛驢數頭家家有田可耕歲但豐收便可溫飽無極富亦無極貧足不履他鄉耳不聞外事蓋猶是羲皇時代代人也

### 一風俗

府志稱延安民有四美其一結婚不論財取攀勢利不爭聘禮誠美俗也而保安近日則大不然聘禮有多至七八十金者少亦非二三十金



不能成禮至一切婚嫁儀文多從簡易苟無大  
戾於禮隨俗便民王法所不禁也凡婚禮婚日  
不親迎擇老成婦人迎親導以鼓樂新婦率騎  
驢而往無彩輿之飾無春夏俱披羊裘冠男子  
泥秋帽下覆其面背繫小銅鏡足外結男子襪  
送親者翼以登驢俗傳懼途中妖魅攝人以此  
襪之粧奩飾以小櫃謂之箱稱家有無內置衣  
履數事禮成兩家陳諸物於堂董禮者數而書  
之三日新婦偕婿歸甯謂之回門又三日歸女  
父母送之婿家款以禮新婦則見婿家尊長各

有所餽亦贄幣遺意也其或中道喪亡上者守  
節下則再醮各從其志可也而俗之最無禮者  
莫甚於夫死招夫或謂之招夫養子或謂之招  
夫養老男不婦而有室女不夫而有室滅禮棄  
倫習不為怪地方官雖屢為嚴禁終屬陽奉陰  
違

喪禮以服制為重輕三年之喪二十七箇月而  
服除功令也保安之俗無士庶必縞素三年至  
三期乃易吉此俗禮之最古者至殯殮葬祭諸  
儀稱家為厚薄亦不盡違禮葬後每逢亡者生

日忘日及諸節令大都具酒餼香楮祭於墓無家祠家祭諸儀文也墓地無碑碣數傳後幾自忘其祖自亂後琳宇灰飛縑流星散現只有一沙彌稍識字不諳經典無道士喪家有力者欲作佛事率從他縣延僧焉

俗有吉凶事宴會賓朋每席不過十器或八器有饌不設海味羊豕兩肉以多為盛奠儀具香楮饅頭或折錢百五十文吉事來賀者咸持錢酒以黍釀之謂之稠酒味濁而微酢勸客以巨甌間進燒酒則運自甘泉安定本地不善釀也

常時宴客芹菹腐皮肉湯麥麩而已或有遠道  
過客失路投宿詢悉姓氏來蹤輒具飯設榻款  
洽殷勤臨行時不問酬值與之亦往往不受於  
此尤見風俗之古

### 一氣候

南北異氣物候各殊地勢使然保安地處偏隅<sub>邊</sub>  
又在亂山之中寒多溫少歲只一獲尤得氣候  
之偏不可以中土溫帶例也春正二月堅冰在  
途野不見青三月春始和草木萌動種春麥豌豆  
豆油麻子四月種黍稷夏燕麥羊茅玉蜀黍小

滿節種諸菽豆蔬菜瓜瓠之屬亦六月種收麥秋

燕麥收冬麥春麥豌豆七月食瓜嘗諸瓜菰收

夏燕麥八月白露節摘諸瓜採菽豆折玉蜀黍

秋分節種冬麥刈粟黍收收麥秋燕麥十月以

後地凍冰合嚴寒凜烈矣凡花卉只有山中野入夏

始盛果菰入秋始熟二月杏八月桂山中無此

風景也霜信無常春夏之三四月秋之七八月

有非時之霜降五六月有非時之冰雹殺穀傷

稼早稼遇霜十損二三遲稼遇霜十損五六凡

風雨秋雨後西北風多霜東南風多雨西北風

多晴晴時最多雨澤最多<sup>少</sup>夏日西而已涼冬日  
午而不溫暑月不須羅葛寒月不外旃裘一歲  
之中一日之間寒得十之七溫得十之三地曠  
人稀物生澆薄人氣不敵地氣理固然也

### 一農產

保安土壤黃白地高氣寒春遲秋早尤宜黍稷  
惟六穀無稻不興水利之故也

黍俗名糜子名目甚繁大別有軟硬二種去皮  
謂之黃米

稷俗名粟又名穀子名目甚繁大別有黃穀涼

穀酒穀三種去皮謂之小米

麥有冬春二種冬麥秋種宜山之陽春麥春種  
宜平原均於夏六月收

莠麥有甜苦二種甜者磨麩苦者飼畜夏種秋  
收農家視此為秋糧後勁

燕麥有夏秋二種夏者夏收秋者秋收磨盡麩無  
炒熟粉而食之亦可蒸食

玉蜀黍有黃白二種

高粱有大小二種

羊芋狀若罇鵝纒如貫珠人食之餘可以飼畜

油麻子實可榨油供食其華而不實者可剝麻  
麻亦甚劣

苧麻子俗名老麻子又名大麻子可榨油燃燈  
無烟調印色供醫藥

烟葉土人不知法製均吸生葉味甚劣

按保安耕種田地鹵莽草率只圖省工貪多

一夫約種二十垧

又名垧每垧計三畝

不知擇種不講

糞壅苗生以後鋤不過二遍豐年每垧可收

京斗穀二石地氣高寒宜於黍稷種植最多

今以百分計之黍三十分稷二十分收麥二



十分麥十分燕麥及玉蜀黍十分其餘雜糧  
十分

一 菽豆

綠豆豇豆小豆黑豆黃豆豌豆

按境內種豆不多綠豇豆尤少

一 蔬菜

白菜蔓菁白蘿蔔胡蘿蔔水蘿蔔蔥韭蒜菠蓀  
芫荽萵苣筍茄青椒芥

按前五種所在多有其餘時有時無緣土人  
種菜皆係旱園查邑中沿河平地類能導水

八田惟團體不結水利難興且祇知畜牧之利不知灌溉之利雖勸導再三終不悟也

一瓜蔬

王瓜 西瓜 南瓜 甜瓜 西葫蘆 窩瓜

白葫蘆

一野菜

苦苣 芹蓆 馬齒莧 澤蒜 黃花菜

即黃花地丁

一森林

柳 水楊柳 榆 樗 水桐 白楊 青楊  
桑 黃楊 柏

按境內無煤炭諸礦咸以木柴供爨間有栽柳者餘則任其山中自生自長不知樹藝之法是以成材者絕少境內雖有桑樹不多間有一二養蠶之家成繭成後亦不繅絲婦女輒栽繭作各種花樣緣以飾履有謂氣候多寒不宜蠶桑者其說未當蓋俗習耕牧風氣未開之故也至木棉則決不相宜

一果木

杏

桃梨

棗

林檎

杜梨

按縣民不講樹藝之法除梨與林檎外無接

換者不墜糞不灌溉味率粗惡兵燹以後斬刈殆盡惟杏之野生於山中者甚多

一藥材

甘草 柴胡 麻黃 大小薊 益母草

五加皮 茵陳 蕭艾 地榆 百部 半夏

牛蒡子 蒲公英 紫花地丁 黃連

按山中野生藥材甚夥以上所列僅為土人所能識者其他尚不知幾許甘草尤多而美有大如人臂者惜鄉民不知收取負此天產近年有四川人入山購買販諸他鄉者然亦

只以甘草為主

一畜牧

山羊春三月抓越每羊約得四兩入夏剪毛每羊約得半斤只剪毛一次秋間不復剪恐凍損也壯時每羊約重二十二三斤

綿羊肉味劣於山羊夏四月剪毛一次每羊約得七兩毛甚劣秋八月復剪一次潔白而柔每羊約得十兩壯時每羊約重二十六七斤

牛黃色山中無水牛不宰殺鄉民用兩牛曳耩耕地從不用犁

馬 畜馬之家不過一二匹或三四匹率購自  
邊地

騾 驢 豕

犬 境內狼最多鄉民恃此護羊入山小羣須  
二三大犬羣須四五丈犬甚矯捷其佳者尤善用  
智翼羊出入每據山中要害以為羊衛

按保安諸處皆身軀短小奔走矯捷畜牧之  
利以羊為首小羣百餘隻羝二一人牧之大  
羣約三百隻羝四二人牧之境內約畜十萬  
餘隻山羊得其四綿羊得其六每隻平均約

售銀一兩絨一担重百斤約售銀十三四兩  
黑毛一担銀五兩白毛一担銀七兩縣民不  
知工藝除製毡裝衣外悉售諸商販近年皮  
價漸昂山羊皮每張約重一斤八九兩值銀  
三錢綿羊皮前數年僅值半價今亦如之縣  
民既食其利恒視之為重務要圖凡畜牧之  
家聚眾羝羊別為一羣十月朔始放羝入合各  
羣二三月羊生羔復出羝羔或單生或孿生  
無生三四羔者山羊往往生疥治以薰藥綿  
羊出痘生癩疾較輕惟牛羊傳染瘟疫往往

按深山茂林之中善鳴悅耳之鳥甚夥土人  
無弋取者

縣境密邇長城自古僻地史傳與府志所載均  
畧而不詳以上所錄大半搜諸殘碑斷碣之中  
與訪聞諸士人民者然仍不免掛漏之弊也

